

豫章叢書

第三冊

朝散集

劉逢源題



笑古正塵囂
書館校刻

朝散集卷一

宋 孔平仲 殺父 著

古賦

戰彭城賦

秦失其鹿羣雄並爭劉項之鬪白爲鯢鯨相刼以勢
相鑒以兵彼方徇乎北海此乃襲乎彭城惟彭城者
楚所都也漢王乃竊而居之收其美人寶貨是資置
酒高會楚猶未知此何異伺猛虎之出而據其穴入
盜跖之室而有其妃項王聞之怒膽摧裂聲若雷震
目如電掣引千旌與萬騎定雌雄於一決或馳或射

或刺或擊呼聲動天死者如積流血丹乎雖水菓甲
隘乎靈壁乃欲殺無瞧類歸不留跡長圍三匝漢軍
失色嗚呼以項王之勇天下所聞暗鳴叱咤坐生風
雲而對漢王椎鈍之性與夫蜀人糾合之軍內外隔
絕主將紛紜不翅田犬之搏兔鷲鳥之撮蚊然而大
蛇之分爲二東井之聚者五數極亂世歷歸真主以
鴻門之會項莊之舞尙不能得之肘腋又安可徵之
於軍旅俄而大風北來發屋拔樹揚塵蔽空走礫如
雨白晝窮冥漢王遁去則夫漢之不可勝也蓋可睹
矣至於滎陽之擊四面廣武之中吾指未嘗不拔自

幾殆脫於垂死且項王之蓋一世其氣不爲不盛而
扛九鼎其力不爲不多及夫東會垓下夜聞楚歌雖
也不逝虞兮奈何豈非天之所興不可得而廢天之
所利不可得而害故羽終於自剄亦自知天亡之而
非戰之罪也吾嘗緩策乎陰陵之野稅駕乎長安之
都弔遺靈於寂寞慨舊迹之荒蕪以爲彼慄悍猾賊
者固已亡矣而寬仁愛人者又安在乎乃知起者必
至於滅有者終歸於無此古人之所以致論蝸角而
輕視軒冕吾與夫莊生之徒

古詩

次韻常甫二十九日開上作

泊舟不厭城南淺談笑淹留驚晷短爲傳朔信艤江
干暫移已覺知天遠足音來此慰寂寞酒面自紅爐
自煖預愁會合有睽離人事猶如月虧滿何如便做
歸去來百尺高廬席同卷

招常甫承君舟中觀雪

泊舟亭下水隔岸有脩竹晨起雪紛紛開簾見羣玉
請來同此景一醉盃中滌

發儀真寄常甫兄

艸角同出處中路稍差池往事如一夢新年生白髭

小官仍齟齬異國更羈梏長時恨隔濶既見少開眉
朝共壚邊飲暮同窗下棋一日復一日眷眷不忍離
今茲解舟去豈爲赴同期久住恐相溷蕭然生事微
欲將眼中淚一洒別時衣諸緒正牢落勿令心重悲
融怡和笑語愴怳迷東西甘言戒婢子循髮視阿宜
憤憤情懷惡正同中酒時晚泊蘆荻岸江天雲四垂
高城已不見春雨更如絲

二十二日大風發長蘆

張帆風尙小出口勢愈急扁舟已中流前後無所及
側看岸旋轉白浪若山岌磔硿硿時有聲百鍊水爭入

危檐吹欲折，柅柄脫操執。我有常病妻，素羸多不粒。
及茲益憤亂，卧喘氣吸吸。婢姥半北人，茲險未嘗習。
倉皇面深墨，嘔噦皆膽汁。可憐兒女輩，往往相聚泣。
出門強指揮，飛沫濺衣濕。江豚踊吾前，獼猴作人立。
意如驚吾蟻，出沒相百十。呼神擲楮泉，祈佛啟經襲。
是時正月尾，於節甫驚蟄。雲氣作冥晦，氣候變寒澁。
日中僅得止，性命危若拾。紛然方寸亂，魂幹久不集。
官期幸未迫，安用苦汲汲。官兵勇食程，一震當少戢。
何如彼居民，生不出井邑。吾田雖曠瘠，飭粥粗可給。
勞生嘿自慨，茅舍行且葺。

讀江淹集

煌煌一正錦爛爛五色筆始於何處得悵此夢中失
淹也雖善文蕨蕨少筋骨譬人氣不深往往多奄忽
晚年既富貴外學仍老佛豈非有所怠寢使天才屈
奈何不自尤秘惟疑鬼物我有十丈母風期駕溟渤
褰霞觀東皇擘浪窺月窟唯憂倦或止視此頗自栗
馬當夾阻風

蒿田荻野無人煙我來日暮雙繫船半夜星斗垂欄
杆銀河倒影搖清川人言神物當會合鐵纜纏繞安
如山五更洶洶有聲至車騎蹴踏乾坤翻怒雷殷殷

雨隨下黑風三日不見天此中道路多險惡正在馬
常小孤之兩間三江五湖所鍾聚直下無底旁無邊
掀騰擺觸作意氣更無拘束隨所便巨磯突若虎頭
出黃沙莽作車輪旋端居不動尙股栗誰敢身試蛟
龍淵白吾汎洛涉淮泗間關淫滯今半年廬山蒼翠
已在目毋用急進干憂患不如宿留會澄霽淹速有
數非偶然芻中酒熟聊一醉春夢酣酣牽晝眠

初夏

初夏新雨餘蕭然風轉北芭蕉索索鳴庭戶有秋色
清寒思挾纈向暑袵絺綌陰陽孰主張變態只頃刻

幽軒暮支頤佳趣生靜默雲氣薄南山坐令蒼翠隔
喜雨

低田有水高田乾南風日日吹塵土新秧已生未種
得此時却得彌天雨連山蔽空望不極溢徑盈庭勢
漂鹵從今歲事當有成飽食香秔胡可數老來涉世
心益懶只欲栖遲守環堵若令積穀支數年便可終
焉事農圃

鑄錢行

三更趨役抵昏休寒呻暑吟神鬼愁從來鼓鑄知多
少銅沙疊就城南道錢成水運入京師朝輸暮給苦

不支海內如今半爲監農持斗粟却空歸

呈范清老

范子愛高卧家政付兒孫將身比瞋目達理吾所尊
前日過所居蔓草深閉門范子欠伸起性寡笑與言
相與尋幽寺復將坐前軒斜陽滿庭下不厭鳥雀喧
擘雲青山秀經雨野水渾念此景清曠非君誰與論
少年一傾蓋白首義彌敦頗然各忘返明月照黃昏

曹亭三絕句

外看江水長裏見荷花發廬阜收白雲南浦浸明月

又

漾舟荷花裏，艤棹綠楊陰。却上曹亭望，山高江水深。

又

登臨常患遠游覽，不能繼此景。對門牆，復與日三四。

夜入監中

欹枕幷如洗，出門更已深。長風萬里至，河漢清人心。
芙蓉渠有佳氣，楊柳搖疎陰。秋聲繁促織，月色動棲禽。
落魄衣冠忘帶，逍遙髮鬢嘗聽從。涼冷入一快，直千金。

七月六日作

隔江見雨來，尤苦風大疾。蓬蓬宇宙中，掀攪若無物。
百川水倒流，瓦石亦飛越。濃雲最輕浮，暫聚非永結。

隨吹東西楊散漫頗倉猝竟無點滴惠初勢不可遏
正昏露青天方曉見白日但增塵土高益使水泉竭
農夫憂歲事悵望眼流血蛟龍不能神卷尾藏窟穴
空餘鳥雀噪庭戶晚更熱深夜氣稍蘇林端挂明月

暇日至家園

仕宦吾已知退休不如早九江園地勝萬箇竹色好
每到必徘徊備然寄懷抱於此築亭臺於彼植花草
傍嶺更栽松引池將溉稻經營各有處何日室遂考
薄田方待歲一雨洗枯槁指穀以易泉囊橐助傾倒
茅茨若粗完世路迹可掃南山多白雲臨望娛我老

城東作

九江非吾土久寓忘羈栖邱墳之所宅舍此亦安歸
賤官最閒暇因得治其私松楸鬱在望時復至郊圻
駕言上東原藹藹晨露晞草木新過雨秀色可療飢
念此道旁民散居在山蹊新秋百物熟入城各有攜
手遊紫艸壯薑抽紅笋肥樵香憶烹鯉稻白想流匙
養生無不有美味仍及時此土遂可老行當結茅茨
雲水有深約塵埃無盡期人生適意耳富貴亦何爲

日夜

平生最好月況此秋夜闌長風送蕩漾浩露洗團圓

仰頭視虛空光采如可餐星辰斂芒角河漢收波瀾
更無微雲翳挂此白玉盤六合靜皎皎萬水涼珊珊
爲爾廢眠卧裴回更漏殘更登高處望歷歷見湖山
爽氣集水雪清心生羽翰便欲御冷然因之游廣寒
一臨天池水沐浴隨飛仙

送鄭君玉

西風黃葉下送子以秋色彭蠡一歸舟關山遠行客
民思似杆平郡戴如弦直交游亦難值出語皆肝鬲
出城一首

驅馬出北門秋色滿平臯
雲弄微陰寒日照我袍